

NES HES MIS

Nes Hes Mis, Zaj 2, 3 thiab 4

**Tus vaj As Tas Xes Ntxes tso Nes
Hes Mis mus pab cov Yus Das uas
nyob Yes Lus Xas Les. 2 : 1 - 8.**

2 1 Xyoo nees nkaum uas As Tas Xes
Ntxes ua vaj, yog lub 4 hlis (Nis
Xaas). Thaum ntawd kuv ua tus kav xwm
saib cawv, ces kuv mus ce cawv rau tus
vaj. Los txog tav no kuv tsis tau ua ntsej
muag mluas ib zaug li.

2 Ces hnub ntawd tus vaj thiaj hais rau
kuv tias :

"Vim li cas koj ua ntsej muag mluas li
kod ? Koj twb tsis mob. Ntshai yog muaj
ib Yam dab tsi nyob hauv koj siab xwb !"

Kuv txawm ntshai. Ces kuv hais rau tus
vaj tias :

3 "Thov kom vaj nyob ntev niaj mus
ntau xyoo ! Ua cas kuv thiaj yuav tsis
mluas li no ? Vim lub tsheej uas kuv
niam kuv txiv lawv tej ntxa nyob twb
puas tas lawm, tej rooj loog kub hnyiab
tas."

4 Tus vaj hais rau kuv tias :

"Koj xav thov dab tsi ?"

5 Kuv thov Tswv Ntuj thiab kuv teb tus
vaj tias :

"Yog vaj zoo siab thiab pom zoo, mas
kuv xav thov koj kheev kuv mus Yus Das
teb, kuv yuav rov qab mus txhim lub
tsheej uas kuv cov yawg koob lawv tej
ntxa nyob hauv."

6 Tus vaj nug kuv tias :

"Koj yuav mus ho ntev ? Thaum twg koj
mam rov los ?"

Tus poj vaj kuj zaum nyob ntawm nws
tus txiv ib sab thiab. Kuv teem ib lub
hnub nyoog uas zoo li haum tus vaj siab,
ces nws kheev kuv mus.

7 Kuv tseem thov tus vaj tias :
"Yog tus vaj zoo siab mas thov muab
ntawv rau kuv nqa mus rau cov vaj
txheeb nyob ntawm tus dej Aws Fas Tes
sab tim ub, lawv thiaj yuav kheev kuv hla
lawv teb chaws mus txog Yus Das teb.
8 Thiab muab ib daig ntawv mus rau As
Xas uas yog tus saib vaj lub loog kom
nws muab ntoo rau kuv ua lub yeej cov
qhov rooj nyob ze lub Tuam Tsev Teev
Ntuj thiab ua lub ntsa loog thiab lub tsev
kuv yuav nyob."

Tus vaj tso lus rau kuv ua. Vim kuv tus
Tswv Ntuj siab zoo txhais tes nyob saum
kuv.

**Cov Yus Das ke tiv cov Xas Mas
Lias ke txhim lub ntsa zeb xov Yes
Lus Xas Les. 3 : 33 - 34 + 4 : 2 - 15.**

3 33 Thaum tus nom saib Xas Mas
Lias teb hu ua Xas Npas Las hnov
tias peb cov Yus Das rov qab los tsa lub
ntsa loog, mas nws npau taws heev thiab
meem txom kawg.

34 Nws thuam cov Yus Das, nws hais
rau nws cov kwv tij thiab rau cov Xas
Mas Lias nplua nuj tias :

"Cov Yus Das ntawd lawv pib ua dab tsi
li ntawd ? Lawv xav ua ib hnub kom tas
nrho lod ?

Lawv puas yuav ua tau kom cov pob zeb
ntawd ciaj sia tuaj ?

Cov pob zeb ntawd lawv khawb hauv tej
pawg av Iwj los xwb thiab cov pob zeb
twb po tas lawm !"

4 2 Cov yeeb ncuab sawv daws cog
lus tias lawv yuav tuaj ntaus Yes

Lus Xas Les thiab yuav tuaj rhuav kuv.

3 Ces peb hu txog peb tus Tswv Ntuj tuaj pov hwm lub tsheej thiab peb tsa ib co zov keeb nruab hnub hmo ntuj kom tau txuag peb ntawm cov yeeb ncuab.

4 Tsoom Yus Das kuj hais tias :
 "Cov nqa pob zeb lawv qaug zog dhau. Tej pob zeb tawg tas tsis zoo yuav muaj ntau dhau, ntshai peb yuav tsa tsis tau lub ntsa loog li !"

5 Nyob tog ub, cov yeeb ncuab hais tias :
 "Tos thaum lawv tsis nco ceev faj mas peb cia li mus tshwm plaws hauv lawv. Ces peb yuav muab lawv tua kom tag. Ces lawv txoj hauj lwm yuav tas li ntawd !"

6 Tab sis muaj ib co Yus Das nyob ze cov yeeb ncuab tuaj hais qhia peb kaum zaus tias :
 "Lawv tuaj tas qhov txhia chaw tuaj ntaus nej !"

7 Ces peb tso neeg mus zov nyob rov theem nram hav, nram tej thaj chaw do, nram qab ntsa loog. Kuv cia tsoom sid nyias nrog nyias tsev neeg thiab nyias tuav nyias cov ntaj, nyias cov hmuv thiab cov hnuev.

8 Kuv pom tias lawv ntshai, ces kuv sawv, kuv hais rau cov nom, cov xov thawj thiab rau tas tsoom sid tias :
 "Nej tsis txhob ntshai cov neeg ntawd. Nej nco txog Tswv Ntuj uas nws loj tas nrho thiab muaj zog tas nrho. Nej ntaus rog thaiv nej cov kww tij, nej cov tub cov ntxhais, nej cov poj niam thiab nej tsev neeg !"

9 Thaum peb cov yeeb ncuab hnov tias peb paub txhua yam lawm, Tswv Ntuj ua kom peb hnov lawv tus txheej txheem lus uas lawv yuav tuaj ntaus peb, mas lawv khiaj rov qab. Ces peb sawv daws rov qab mus ua peb tej hauj lwm tsa lub ntsa loog.

10 Tab sis txij hnub ntawd los, kuv cov neeg ib nrab xwb thiaj ua hauj lwm. Ib nrab mas lawv tuav ntaj tuav hmuv nqa leem phiaj thiab hnav lub tsho hlau thaiv hauv siab, lawv nyob txuag tas tsoom Yus Das uas ua hauj lwm tsa lub ntsa loog.

11 Cov neeg nqa nra kuj tuav ntaj tuav hmuv, lawv ib txhais tes ua hauj lwm, ib txhais tes tuav rawv ntaj.

12 Tab cov ua hauj lwm tsa lub ntsa loog tsis kav lawv nyias txib nyias rab ntaj ntawm duav. Ib tug tshuab raj kub twg sawv ntawm kuv ib sab.

13 Kuv hais rau cov ntaus thawj, cov xov thawj thiab rau tsoom sid sawv daws tias :
 "Peb qhov chaw ua hauj lwm dav thiab loj heev, peb ib leeg nyob ib ncua deb luag tej, 14 mas yog nej hnov suab hom nrov sab twg tuaj, mas nej yuav khaiv los sib sau nyob ua ke ntawm sab ntawd. Ces peb tus Tswv Ntuj yuav pab nej ntaus cov yeeb ncuab kom nej yeej."

15 Peb ua hauj lwm li ntawd txij thaum kaj ntug txoog mus txog thaum tsaus ntuj cov hnub qub tawm tuaj.

Es Nras qhia txoj cai rau tsoom Yus Das coj. 8 : 1 - 12.

8 1 Tas tsoom pej xeem sawv daws tuaj sib sau nyob ntawm lub tshav ntawm lub qhov rooj dej. Lawv kom tus thoob xwm Es Nras nqa phau ntawv Mais Xes t xoq cai uas HUAB TAIS qhia kom His Xas Lais coj.

2 Ces tus Leej Choj Es Nras nqa phau ntawv t xoq cai tuaj tso ntawm lub T xoos hauv ntej. Nyob hauv lub T xoos muaj cov txiv neej, cov poj niam thiab cov me nyuam paub tab. Hnub ntawd yog hnub xiab ib lub xya hli.

3 Nyob ntawm lub tshav ncaj lub qhov rooj dej, Es Nras nyeem ntawv txij thaum

Nes Hes Mis, Zaj 8

nyuam qhuav kaj ntug mus txog hnub ntseg. Nws nyeem rau cov poj niam cov txiv neej thiab cov me nyuam paub tab sawv daws mloog. Sawv daws cug pob ntseg zoo mloog txoj cai.

4 Tus thoob xwm ntawv Es Nras sawv nyob saum ib lub sam thiaj uas lawv txhob txwm npaj rau nws sawv. 5 Es Nras qhib phau ntawv, sawv daws pom nws zoo. Vim nws nyob qhov chaw siab dua sawv daws. Thaum nws pib qhib phau ntawv mas tsoom sid sawv tsees.

6 Es Nras pib cav txog tus HUAB TAIS Tswv Ntuj nyob siab. Tas sawv daws tsa tes rau saum ntuj thiab teb tias :

"Ua li ! Ua li !"

Ces tas tsoom pej xeem pe HUAB TAIS, lawv ntsej muag khoov ti av.

7 Cov Les Vis piav t xo j cai rau tsoom sid uas sawv ntsug mloog nyob ntawd.

8 Ces Es Nras nyeem Tswv Ntuj txoj cai nyob hauv ntawv. Nws txhais lub ntsiab kom sawv daws to taub zoo.

9 Tus Leej Choj Thoob Xwm Es Nras hais rau tsoom pej xeem tias :

"Hnub no, yog ib hnub ntshiab rau nej tus HUAB TAIS Tswv Ntuj ! Nej tsis txhob nyob tej tug mluas mlob, nej tsis txhob quaj !"

Nws hais li no vim thaum sawv daws hnov cov lus nthuav t xo j cai mas sawv daws quaj.

10 Nws tseem hais ntxiv tias :

"Nyem no, nej mus noj nqaij noj mov, haus dej haus cawv, nej nqa ib feem mus faib rau cov tsis tau npaj dab tsi. Hnub no yog ib hnub ntshiab rau peb tus HUAB TAIS ! Nej tsis txhob tu siab ! HUAB TAIS chaw zoo siab yog nej lub loog zeb !"

11 Cov Les Vis kom tsoom sid nyob twj ywm, lawv hais tias :

"Nej tswm seeb mas ! Nej tsis txhob quaj ! Vim hnub no yog hnub ntshiab, nej txhob tu siab."

12 Ces tas tsoom sid mus noj mov haus cawv, lawv xa txhiam xws noj rau cov tsis muaj. Sawv daws ua tej yam lom zem loj, vim lawv to taub cov lus uas cov Les Vis tshaj rau lawv mloog.

TOS NPIS

Tos Npis, Zaj 1

Tos Npis ua neeg thoj nam nyob Nis Nis Vas. 1 : 1 - 22.

1 1 Tos Npis zaj kww huam. Tos Npis yog Tos Npis Es tus tub. Tos Npis Es yog As Nas Nis Es tus tub. As Nas Nis Es yog As Dus Es tus tub. As Dus Es yog Nkas Npas Es tus tub. Lawv yog As Xis Es cov xeeb ntxwv. Tos Npis yog xeem Nes Tas Lis.

2 Thaum Xas Mas Nas Xas ua vaj nyob As Xis Lias teb, ces lawv coj Tos Npis mus nyob txim. Tos Npis lub teb chaws yog nyob Tis Npes, uas nyob naj fab Kes Des Nes Tas Lis, nyob pem toj siab Nkas Lis Lais teb.

3 Kuv yog Tos Npis. Tas kuv sim neej kuv ua raws tkoj kev tseeb thiab kuv xyauum ua qhov zoo xwb. Kuv tau muab ntau yam pub rau kuv cov kww tij, thiab rau kuv haiv neeg nrog kuv nyob txim nyob Nis Nis Vas, nyob As Xis Lias teb.

4 Yav kuv hluas, kuv nyob His Xas Lais teb. Kuv lub xeem Nes Tas Lis ncaim ntawm Das Vis tsev, ces lawv tsis mus pem Yes Lus Xas Les. Tab sis Yes Lus Xas Les yog lub nroog uas tas cov xeem His Xas Lais xaiv los ua lawv qhov chaw txi Ntuj. Thiab yog nyob Yes Lus Xas Les thiaj muaj lub Tuam Tsev uas sawv daws txhim rau HUAB TAIS mus li txheej dhau txheej. HUAB TAIS nyob hauv lub Tuam Tsev ntawd.

5 Kuv cov kww tij thiab kuv lub xeem Nes Tas Lis sawv daws txi tus mlom nyuj uas tus vaj His Xas Lais Yes Los Npuag tau ua nyob lub zos Das nyob pem cov hauv roob Nkas Lis Lais.

6 Ntau zaus kawg, kuv ib leeg xwb mus teev Ntuj pem Yes Lus Xas Les, kom kuv tau ua raws li tkoj kev cai uas ib tug His

Xas Lais yuav tsum coj mus li. Kuv mus pem Yes Lus Xas Les, kuv coj thawj phaum txiv ntoo thiab thawj phaum tsiaj txhu, nrog cov nyuj uas kuv muab rau cov Leej Choj. Thiab kuv nqa thawj phaum plaub yaj mus. 7 Kuv muab tej ntawd rau cov Leej Choj xeem As Loos kom lawv muab txi Ntuj.

8 Thiab kuv pub cawv pub nplej pub txiv ntoo rau cov Les Vis ua hauj lwm nyob Yes Lus Xas Les.

9 Thaum kuv hlob tiav hluas lawm, kuv yuav ib tug poj niam nyob hauv peb cov kww tij, nws hu ua As Nas. Wb muaj ib tug tub uas kuv tis npe rau nws hu ua Tos Npias.

10 Thaum lawv coj peb tuaj txog As Xis Lias teb, mas kuv tuaj nyob txim nyob Nis Nis Vas. Kuv cov kww tij thiab kuv haiv neeg sawv daws lam tau lam noj xws li cov neeg teev dab.

11 Kuv li mas kuv caiv tsis noj lawv tej zaub tej mov. 12 Vim kuv npuab kuv tus Tswv Ntuj tas siab, 13 mas nws thiaj ua kom Xas Mas Nas Xas nyiam kuv. Kuv mus muas cov toob xib uas Xas Mas Nas Xas xav siv, kuv mus pab nws ua luam. 14 Kuv mus muas toob xib rau nws txog Mes Dias teb. Kuv ua tkoj hauj lwm ntawd mus txog hnub nws tuag. Kuv tso ib co hnab nyiaj rau hauv Nkas Npas Es tsev, uas nws yog Nkas Nplis tus kww, nyob hauv lub zos Las Nkes nyob Mes Dias teb. Cov hnab ntawd ntim tau kaum nras nyiaj.

15 Thaum Xas Mas Nas Xas tuag, nws tus tub Xes Nas Kes Lis nce ua vaj. Ces luag tsis pub hla ciamb teb ntxiv. Yus xav mus Mes Dias teb tsis tau.

16 Thaum Xas Mas Nas Xas tseem nyob, kuv pub ntau yam rau kuv cov kww tij His

Xas Lais. 17 Kuv muab mov rau cov neeg tshaib noj thiab muab khaub ncaws rau cov liab qab hnav. Thaum kuv pom tej tus quav tuag uas luag muab pov tseg rau ntawm lub ntsa loog Nis Nis Vas sab nraud mas kuv kuj tau coj mus faus. 18 Kuv kuj tau faus peb cov neeg uas Xas Mas Nas Xas muab tua thaum nws khiaj Yus Das teb rov los. 19 Muaj ib tug neeg nyob Nis Nis Vas mus taug xaiv qhia tus vaj tias kuv yog tus nyiag faus cov quav tuag ntawd. Ces thaum kuv hnov tias tus vaj paub lawm thiab nws tso neeg nrhiav kuv tua, mas kuv ntshai kuv thiaj nyiag kev khiav. 20 Tus vaj tuaj lwg kuv me cuab yeej cuab tam yuav tas tib si. Kuv me nyiag txiag, tas puas tsav yam poob tas. Kuv tsuas tshuav kuv poj niam As Nas thiab kuv tus tub Tos Npias xwb. 21 Kuv khiav tsis tau muaj plaub caug hnub, tus vaj ob tug tub rov los muab nkawd txiv tua, ces nkawd khiav mus pem cov roob As Las Las. Nws tus tub As Xas Las Doos sawv ua vaj. As Xas Las Doos hu kuv tus kwv As Nas Es tus tub hu ua As His Kas los nrog nws ua thoob xwm saib koob ncuab txhab nyiag thiab nws tswj kev ua luam nyob hauv lub teb chaws. 22 As His Kas pab kuv, ces kuv rov qab los nyob Nis Nis Vas.

Tos Npis dig muag.

2 : 1 - 14 + 3 : 1- 2 + 6.

2 1 Thaum As Xas Las Doos ua vaj, kuv thiaj tau kev rov los tsev nyob Nis Nis Vas. Lawv thiaj tso kuv poj niam As Nas thiab kuv tus tub Tos Npias rov los nrog kuv nyob. Thaum txog peb lub Ntees Tsib Caug, peb ua ib pluag qav loj. Lawv npaj ib roog qav loj rau kuv noj.

Kuv tso cev pw ntawm rooj mov. 2 Lawv nqa lub rooj los rau kuv thiab nqa ob peb yam nqaij los rau kuv noj. Ces kuv hais rau kuv tus tub Tos Npias tias :

"Me tub, koj mus nrhiav nyob hauv peb cov kwv tij nyob txim nyob Nis Nis Vas saib puas muaj ib tug pluag uas nws tseem muaj lub siab ntseeg txog Ntuj, koj coj nws los nrog kuv noj kuv pluas mov. Koj mus mog, me tub ! Kuv nyob ntawm no tos koj rov los tso."

3 Tos Npias thiaj mus nrhiav ib tug neeg pluag nyob hauv peb cov kwv tij lawm. Tab sis ib me ntsis nws rov los hu kuv tias : "Txiv !" Kuv teb tias :

"Dab tsi, me tub ?"

Nws hais tias :

"Txiv, lawv nyuam qhuav muab peb ib tug neeg tua lawm, lawv muab nws zawm caj dab tuag, lawv muab nws coj tuaj pov rau ntawm tshav kiab, nws lub cev tseem nyob ntawd."

4 Ces kuv tso plhuav kuv pluas mov tseg tsis kov li. Kuv khiav ceev ceev mus txog ntua, kuv nkaus hlo tus neeg tuag kwv tom kiab los. Kuv muab zais rau hauv ib kem tsev pw tos kom lub hnub poob qho tso, kuv mam coj mus faus.

5 Kuv thiaj mus ntxuav cev tas, kuv los noj kuv pluas mov ntxuag kua muag.

6 Kuv nco txog tus Yaj Saub As Mos cov lus uas nws seev txog Npes Thes tias :

"Nej tej hnub nyoog nqaum paj nqaum nruas yuav hloov ua hnub nyoog ntoo xyom. Nej tej suab hu nkauj yuav hloov ua suab nyiav."

7 Ces kuv quaj.

Thaum hnub poob qho lawm, kuv mus khawb tau ib lub qhov, kuv muab kuv tus tuag faus rau hauv. 8 Cov neeg nyob ze kuv luag luag kuv tias :

"Saib ! Nws rov qab tsis ntshai lawm. Thawj zaug nws twb tau kхиav, nyem no, nws tseem rov qab nyiag faus cov neeg tuag dua !"

9 Hmo ntawd, kuv da dej tas, kuv mus nraum peb lub tshav, kuv mus pw ntawm taw ntsa loog. Sov sov ces kuv pw las tshav. 10 Kuv tsis paub tias nyob ncaj saum qhov chaw kuv pw, muaj ib co noog ua zes rau saum phab ntsa. Txawm muaj ib tawb quav noog poob nthavsov so los rau hauv kuv ob lub qhov muag. Kuv ob lub qhov muag thiaj quas. Kuv coj mus rau cov kws tshuaj kho. Tab sis pheej rau tshuaj rau mas pheej haj yam mob heev tuaj. Ces kuv cia li ua neeg dig muag. Kuv tsis pom kev li ntawd tau plaub xyoos los. Kuv cov kwv tij nrog kuv tu siab kawg. As His Kas yug kuv tau ob xyoos ces nws mus dua Es Lis Mais teb lawm.

11 Thaum ntawd kuv poj niam As Nas ua hauj lwm, nws muab plaub yaj los tooj ua xov thiab nws ntos ntaub.

12 Lawv tuaj thov nws ua ces lawv them nqi rau nws.

Hnub tim 7 lub peb hlis, kuv poj niam ua tiav tus ntaub rau lawv. Lawv them nqe rau nws tas tib si thiab lawv tseem pub ib tug tshis rau nws coj los ua noj ib pluag.

13 Thaum nws los txog tsev, kuv hnou tus tshis quaj. Kuv hu kuv poj niam tias "Tus tshis ntawd los qhov twg los ? Yog nyiag xwb mas coj tam sim no rov mus rau nws tus tswv. Peb tsis muaj cai noj tej yam nyiag los."

14 Kuv poj niam hais tias :

"Yog lawv pub rau kuv, ntxiv kuv tus nqi zog xwb !"

Kuv tsis ntseeg. Kuv kom kuv poj niam cab rov mus rau cov tswv vim tias kuv pab kuv poj niam txaj muag rau tus tshis

ntawd.

Ces kuv poj niam teb tias :

"Koj niadj hnub pub rau cov neeg thov khawv, koj niadj hnub ua zoo zoo xwb, tej koj ua ntawd dua qhov twg tas lawm ? Sawv daws paub tias koj tau ib niag thooj ntag ?"

3 1 Kuv poj niam hais li ntawd mas tu kuv siab tas nrho, kuv xyu tej suab thiab kuv kua muag poob. Kuv thiab hais zaj teev Ntuj no tias :

2 "HUAB TAIS, koj siab ncaj, koj ua qhov twg yog qhov ncaj. Koj tej kev tsuas yog txiaj ntsim thiab qhov tseem ceeb xwb. Koj yog tus txiav txim rau lub ntiaj teb. 6 Nyem no, koj ua rau kuv raws li koj nyiam. Thov koj thau kuv ntawm lub neej no mus. Kuv xav dim ntawm lub ntiaj teb no, kuv xav rov qab mus ua av xwb. Yog kuv tuag mas zoo dua kuv ciaj. Rau qhov kuv raug lawv lam tau lam cem kuv, tu kuv siab loj tas nrho !

HUAB TAIS, kuv tos koj tuaj cawm kuv ntawm txoj kev txom nyem no. Thov koj cia kuv mus nyob lub teb chaws kuv yuav so mus li. HUAB TAIS, thov koj tsis txhob fee koj lub ntsej muag rau kuv."

Xas Las. 3 : 7 - 17.

7 Tib hnub ntawd, Xas Las uas yog Las Nkus Es tus ntxhais nyob Es Npas Tas nyob Mes Dias teb kuj raug nws txiv ib tug ntxhais txib thuam nws thiab. 8 Vim tias lawv twb muab nws pub tshoob rau xya tus txiv lawm, tab sis tus dab phem As Mos Des uas nws phem tshaj plaws hauv cov dab phem, muab nws cov txiv tua tuag tas tib si, tsis pub lawv tau nrog Xas Las ua neej li.

Ces tus ntxhais txib hais tias :

"Yog koj tua koj cov txiv xwb mas ! Koj twb yuav txiv xya zaus lawm, koj txoj hmoov tsis zoo ib zaug li ! 9 Tsis yog vim koj cov txiv tuag tas ces koj thiab yuav muaj cai ua ntxhov rau peb ! Koj cia li mus raws koj cov txiv qab mas ! Kom xwv peb tsis txhob tau pom koj ib tug tub los ib tug ntxhais li !"

10 Hnub ntawd, Xas Las tu siab, nws quaj ib hnub. Nws nce mus saum nws txiv lub paim, nws npaj tias nws yuav mus dai tuag nyob saud. Tab sis nws ho xav tau tias :

"Nyob tsam ib me ntsis luag tej yuav hiam kuv txiv ! Lawv yuav hais tias : 'Koj muaj ib tug nyuag ntxhais rau koj hlub xwb, koj tseem tsis muaj hmoo, nws tseem dai tuag lawm thiab !' Kuv tsis xav ua kom kuv txiv tu siab li ntawd. Nws twb laus laus lawm. Ntshai kuv yuav tsis txhob dai tuag. Kuv yuav thov HUAB TAIS ua kom kuv tuag, kom kuv thiab tsis hnov luag tej thuam kuv ntxiv."

11 Tam sim ntawd, Xas Las tsa tes tig mus ntawm qhov rais, nws thov Ntuj tias : "HUAB TAIS siab zoo, koj nto koob meej ! Xav kom koj lub npe nto moo mus ib txhiab ib txhis. 15 Kuv twb muaj xya tus txiv tsis nyob lawm. Kuv tseem yuav nyob hauv ntiaj teb no ntxiv ua tus dab tsi ? Yog koj tsis xav kheev kom kuv tuag mas thov koj hlub kuv thiab. Kuv tsis xav hnov luag tej hais lus tub qaug kuv ntxiv lawm !"

16 Hnub ntawd, Tos Npis thiab Xas Las nkawd ob zag thov ntuj nce mus txog pem Tswv Ntuj lub hwj chim. 17 Tswv Ntuj thiab xa Las Fais tuaj kho nkawd kom zoo. Las Fais yuav tuaj laws tej tawv dawb dawb nyob saum Tos Npis qhov muag kom zoo thiab rov pom kev tuaj. Thiab Las Fais tuaj yuav Las Nkus Es tus ntxhais los ua Tos Npias poj niam,

nws tuaj cawm Xas Las ntawm tus dab phem As Mos Des uas phem tshaj plaws lwm cov dab. Vim Tos Npias yog tus muaj cai xub yuav Xas Las dua lwm cov tib si.

Thaum lub caij Tos Npis los nraum tshav puam los rau hauv tsev, Xas Las kuj tab tom nqes saum nws txiv kem tsev pw los thiab.

Tos Npias. 4 : 1 - 21.

4 1 Hnub ntawd, Tos Npis nco txog cov nyiaj uas nws muab tso tseg rau hauv Nkas Npias tsev nyob lub zos Las Nkes nyob Mes Dias teb.

2 Nws xav twj ywm hauv siab tias : "Kuv twb nyuam qhuav thov kom Ntuj sau kuv txoj sia mus, ntshai kuv yuav tsum hu kuv tus tub Tos Npias los, kuv yuav qhia kuv cov nyiaj rau nws tso kuv mam li tuag."

3 Tos Npis hu nws tus tub los ntawm nws, nws hais tias :

"Thaum kuv tuag lawm, koj ua ib lub ntees tuag zoo thiab loj rau kuv. Koj yuav hwm koj niam, koj yuav hlub nws thiab yuav tsis txhob tso nws pov tseg ib hnub li mog ! Koj yuav ywj nws siab tsis txhob ua kom nws muaj chaw tu siab.

4 Koj yuav nco ntsoov tias koj niam tau txom nyem npaum li cas los nqa koj nyob hauv nws plab, thiab tu koj hlob. Thaum twg nws nyob puv ib puas nees nkaum xyoo, koj yuav muab nws coj mus los nrog kuv nyob hauv ib lub ntxa xwb mog ! 7 Koj yuav nco txog luag tej thiab. Koj yuav qee tej yam uas koj muaj los pub rau luag tej. Koj tsis txhob fee ib zaug rau tus neeg pluag, ces Tswv Ntuj yuav tsis fee ntsej muag rau koj thiab.

12 "Me tub, koj yuav tsis txhob ua tej yam tsis zoo los tsis raws kev cai mog !

Yog koj yuav poj niam, mas koj yuav mus yuav ib tug nyob hauv peb haiv neeg, uas nws muaj tib co roj ntsha zoo li peb. Tsis txhob mus xaiv dua lwm haiv neeg uas tsis txheeb peb, vim peb yog cov Yaj Saub cov xeeb ntxwv.

14 Koj yuav tsis txhob tos txog tag kis tso koj mam them nqe zog rau cov koj ntiav ua hauj lwm rau koj, koj yuav them tam sim ntawd kiag.

15 Koj tsis txhob haus cawv kom qaung, tsis txhob coj lub neej tsis txawj cheem yus lub cev. Tsis txhob ua tej yam uas koj tsis nyiam kom luag ua rau koj.

16 Koj pub mov rau cov neeg tshaib noj, pub ris tsho rau cov liab qab hnav. 18 Ib tug neeg thoob tsib hais ib lo lus qhia koj mas koj yuav mloog nws lo lus. Tsis txhob hla luag lo lus zoo.

20 "Me tub ! Nyem no kuv hais qhia koj tias kuv tau tso kaum nras nyiaj tseg rau hauv Nkas Npias tsev nyob Las Nkes nyob Mes Dias teb. 21 Tab peb txawm poob ua neeg pluag lawm los koj tsis txhob ntshai mog ! Yog koj hwm Tswv Ntuj, yog koj tsis ua txhaum thiab koj ua yam ntxim Tswv Ntuj siab xwb mas koj twb muaj nyiag kawg lawm."

Tus ua Tos Npias luag.

5 : 1 - 16.

5 1 Ces Tos Npias teb nws txiv tias :

"Txiv, kuv yuav ua tas puas tsav Yam raws li koj qhia kuv. 2 Tab sis yuav ua zoo li cas kuv thiaj yuav mus nqa tau cov nyiaj ntawd los ? Nkas Npias Es tsis paub kuv, thiab kuv kuj tsis paub nws. Kuv yuav muab dab tsi mus ua tim khawv zeem tseeb rau Nkas Npias Es kom nws ntseeg tau kuv thiab nws tso siab muab cov nyiaj ntawd rau kuv. Kuv kuj tsis paub txoj kev mus Mes Dias teb thiab."

3 Ces Tos Npias teb rau nws tus tub Tos Npias tias :

"Nkas Npias Es wb tau sau yuas tseg rau hauv ib daig ntawv, kuv muab daim ntawv ntawd txiav ua ob daig rau wb ib leeg ceev ib daig tseg. Kuv nqa ib daig los lawm, kuv tso ib daig xyaw cov nyiaj. Nyem no, twb muaj nees nkaum xyoo uas kuv tau tso cov nyiaj ntawd rau Nkas Npias Es ceev lawm ! Nyem no, me tub, tshuav qhov koj yuav mus nrhiav ib tug neeg tsim txiaj ua koj luag mus xwb. Peb mam li them nws nqe taw mus los huv tib si. Ces koj yuav mus nqa cov nyiaj nyob ntawm Nkas Npias Es los mog !"

4 Ces Tos Npias tawm mus nrhiav ib tug neeg ua nws luag thiab yuav coj tau nws kev mus txog Mes Dias teb. Nws tawm mus ntsib tus Tshiab Las Fais nyob nraum zoov. Tab sis nws tsis paub tias yog Tswv Ntuj ib tug Tshiab.

5 Tos Npias hais rau tus Tshiab tias : "Npawg, koj nyob qhov twg tuaj ?"

Tus Tshiab teb tias :

"Kuv yog koj ib tug kwv tij His Xas Lais, kuv tuaj nrhiav hauj lwm ntawm no ua xwb."

Tus Tshiab tseem hais tias nws lub npe hu ua As Ntxas Lias.

Ces Tos Npias nug nws tias :

"Ua li koj puas paub kev mus Mes Dias teb ?"

6 Tus Tshiab teb tias :

"Kuv paub kawg mas ! Kuv twb tau mus ntau zaus lawm, kuv paub tej kev tas tib si nyob hauv siab. Kuv nquag mus Mes Dias teb kawg, kuv twb tau mus so nyob hauv Nkas Npias Es tsev uas nws yog peb ib tug kwv tij nyob Las Nkes nyob Mes Dias teb. Txij ntawm Es Npias Tas mus yuav tsum mus ob hnub ke thiaj mus txog rau Las Nkes. Las Nkes nyob rov pem toj siab hos Es Npias Tas nyob nram plawv

tiaj nrag."

7 Tos Npias hais rau Las Fais tias : "Npawg, koj tos kuv, kuv mus hais rau kuv txiv paub tso. Kuv xav kom koj nrog kuv mus, kuv mam li them nqe zog rau koj mus los huv tib si."

8 Las Fais teb tias :

"Tau xwb ! Kuv nyob ntawm no tos koj. Tab sis koj tsis txhob mus ntev."

9 Tos Npias mus hais rau nws txiv tias nws nrhiav tau ib tug kwv tij His Xas Lais ua nws luag mus lawm. Ces nws txiv hais tias :

"Koj coj nws los ntawm no. Kuv yuav nug txog nws tsev neeg thiab nws lub xeem tso, saib peb puas yuav tso tau siab rau nws."

Tos Npias thiaj tawm tuaj hu tias : "Npawg, koj los hauv tsev tso, kuv txiv xav paub koj."

10 Tus Tshiab chaws los hauv tsev. Tos Npis xub hu tus Tshiab, tus Tshiab foom tej lo lus zoo rau Tos Npis.

Tos Npis hais tias :

"Kuv puas tseem yuav muaj txoj hmoov zoo ? Kuv yog neeg dig muag, kuv twb tsis pom lub ntuj kaj li. Kuv nyob hauv qhov tsaus ntuj nti yam li cov neeg tuag uas tsis pom kev lawm. Kuv zoo li luag muab kuv faus ciaj rau hauv ntxa, kuv tsuas hnov neeg lub suab xwb, kuv tsis tau pom neeg li."

Tus Tshiab teb nws tias :

"Koj tso siab ! Tshuav tsis ntev Tswv Ntuj yuav ua kom koj zoo. Koj tso siab mog !"

Tos Npis hais rau tus Tshiab tias :

"Kuv tus tub Tos Npias xav mus Mes Dias teb. Koj puas xav ua nws luag coj nws kev mus ? Kuv mam li them nqe mus kev rau koj tib si."

Tus Tshiab teb tias :

"Kuv zoo siab ua nws luag mus. Kuv

paub tej kev tas tib si, kuv tau mus ntau zaus nyob Mes Dias teb, kuv tau hla txhua tej roob tej hav, kuv paub tas tej kev me kev loj sib tshuam."

15 Tos Npis hais tias :

"Kuv ntiav koj ib hnub ib lub txiag, thiab kuv pub mov rau koj noj ib yam li kuv tus tub. Ua li mas koj nrog kuv tus tub mus mog ! 16 Kuv yuav them tshaj tus nqe rau koj."

Tus Tshiab teb tias :

"Kuv yuav nrog koj tus tub mus. Koj tsis txhob ntshai, wb yuav tau mus kev zoo thiab wb yuav tau rov los zoo. Ntawm txoj kev tsis muaj dab tsi yuav txaus txhawj."

Lub tsib ntses. 6 : 2 - 9.

6 2 Tos Npias nrog tus Tshiab mus, ib tug dev lawv nkawd qab. Nkawd mus ib hnub ke tsaus ntuj. Hmo ntawd nkawd pw ntawm kev ntawm tus ntug dej Tis Nqis.

3 Tos Npias nqes mus ntxuav taw hauv dej, ib tug ntses loj loj tib plhaw hauv dej tuaj nqos yuav luag tau nws txhais taw. Ces nws qw ib suab.

4 Tus Tshiab hais rau nws tias :

"Koj ntes ntho tus ntses mas ! Koj tuav ruaj ruaj tsis txhob tso nws !"

Tos Npias txhom ntho tau tus ntses, nws muab cab los rau ntawm ntug dej. 5 Tus Tshiab hais rau Tos Npias tias :

"Koj muab tus ntses ntawd phais, koj hlais lub tsib, lub plawv thiab thooj siab, koj muab cia rau ib qho. Cov plab hnyuv koj muab pov tseg. Vim tias lub tsib, lub plawv thiab thooj siab zoo ua tshuaj."

6 Ces Tos Npias muab tus ntses phais, nws khaws lub tsib, lub plawv thiab thooj siab tseg. Nws muab me ntsis nqaij los ua hmo rau nkawd noj, qhov seem nws

muab las ntsev tseg.

Ces nkawd rov mus kev ntxiv, nkawd
mus yuav txog Mes Dias teb.

7 Ces Tos Npias nug tus Tshiab tias :
"Tij laug As Ntxas Lias, tus ntsses lub tsib,
lub plawv thiab thooj siab zoo ua tshuaj
dab tsi ?"

8 Tus Tshiab teb tias :

"Thaum ib tug txiv neej los ib tug poj
niam raug ib tug dab phem, ces muab lub
plawv thiab thooj siab ntsses los hlawv,
ces cov pa ntawd ncho ua kom tej yam
phem ntawd ploj tas huv tib si. 9 Hos
lub tsib zoo ua tshuaj pleev qhov muag.
Thaum neeg qhov muag quas, muab pleev
tas ces tshuab pa rau xwb lub qhov muag
cia li zoo tuaj."

**Las Nkus Es muab nws tus ntxhais
rau Tos Npias yuav. 7 : 1 - 16.**

7 1 Thaum nkawd tuaj txog ntawm
lub rooj loog Es Npas Tas, Tos
Npias hais tias :

"Tij laug As Ntxas Lias, koj coj kuv ncaj
qha mus so hauv peb tus kwv tij Las Nkus
Es tsev."

Las Fais coj Tos Npias ncaj qha mus txog
Las Nkus Es tsev, nkawd ntsib nws zaum
ntawm qhov rooj ntawm lub tshav.

Nkawd xub hu nws, nws teb tias :

"Nyob zoo, ob tug kwv tij. Neb tuaj los,
los tsev mas !"

Ces nws coj nkawd nkag mus hauv tsev.
2 Nws hais rau nws tus poj niam Es Nas
tias :

"Ua cas tus hluas ntawd yuav zoo xws li
kuv tij laug Tos Npis ua luaj !"

3 Es Nas nug nkawd tias nkawd nyob
qhov twg tuaj, nkawd teb tias :

"Wb yog cov kwv tij xeem Nes Tas Lis
uas tau mus ua neeg thoj nam nyob Nis
Nis Vas."

4 "Neb puas paub peb tus kwv tij Tos
Npis ?"

"Tus ntawd, wb paub zoo los mad !"

5 "Nws nyob zoo li cas lawm ?"

"Nws tseem muaj txoj sia nyob thiab nws
nyob zoo."

Tos Npias hais ntxiv tias :

"Twb yog kuv txiv ntag."

6 Las Nkus Es sawv tsees tam sid, nws
puag lias Tos Npias, ces nws quaj.

7 Nws hais rau Tos Npias tias :

"Me tub, koj txoj hmoov zoo ua luaj !
Koj txiv yog ib tug neeg zoo tas nrho !
Tab sis tu siab rau qhov tias ib tug neeg
siab ncaj tas npaud, thiab siab dav tas
nrho, ua cas nws yuav dig muag li ntawd
lawm !"

Ces Las Nkus Es rov qab puag lias Tos
Npias thiab nws quaj. Nws tus poj niam
Es Nas kuj quaj thiab nkawd tus ntxhais
Xas Las kuj quaj.

9 Las Nkus Es ntes ib tug yaj los tua,
nws ua ib pluag mov txais nkawd zoo.
Thaum nkawd da dej ntxuav cev tas,
nkawd los noj mov, Tos Npias hais rau
Las Fais tias :

"Tij laug As Ntxas Lias, thov koj pab kuv
mus thov Las Nkus Es kom nws muab
kuv tus muam Xas Las rau kuv yuav
yuad ?"

10 Las Nkus Es hnov nws cov lus no,
Las Nkus Es hais rau nws tias :

"Koj noj mov haus dej tso ! Koj tsis
txhob txhawj, cav tsis muaj leej twg xav
yuav kuv tus ntxhais Xas Las, tsuas yog
koj tib leeg xwb uas koj yog kuv tus kwv.
Kuv muab tsis tau rau lwm tus, vim koj
twb yog tus ze nws tshaj. Me tub ! Kuv
yuav hais tseeb tseeb rau koj. Kuv twb
nrhiav nyob hauv peb cov kwv tij xya tus
txiv rau nws lawm. 11 Tab sis cov txiv
ntawd puav leej tuag tas tib si thawj hmo
uas lawv nyuam qhuav mus txog hauv

nws txaj. Ua li mas nyem no koj rau siab noj mov haus cawv mog !

HUAB TAIS yuav pub nws lub txiaj ntsim rau koj thiab nws txoj kev kaj lug rau koj xwb."

Tos Npias hais tias :

"Kuv tsis xav noj mov, tsis xav haus cawv. Yog koj tsis xub hais tias koj yuav txiav zoo li cas tso."

12 Las Nkus Es hu nws tus ntxhais Xas Las los, nws muab tus ntxhais txhais tes rau Tos Npias tuav, nws hais tias :

"Kuv muab kuv tus ntxhais rau koj. Mais Xes Txoj Cai yeej qhaib nws los ua koj poj niam. Koj yuav nws, koj coj nws mus nrog koj nyob hauv koj txiv tsev, koj ua siab kaj lug. Thov kom Tswv Ntuj pub neb rov mus tsev. Nyob ntawm kev los neb tau mus dawb mus huv mog !"

13 Las Nkus Es hais rau nws poj niam kom mus muab ib daig ntawv los rau nws sau. Ces Las Nkus Es sau ntawv cog lus cia tias nws muab nws tus ntxhais rau Tos Npias yuav ua Tos Npias poj niam raws li Mais Xes kev cai. 14 Ua li ntawd tas sawv daws thiaj noj mov haus cawv.

15 Las Nkus Es hu nws poj niam Es Nas tias :

"Koj npaj kem tsev ob, koj coj wb tus ntxhais mus pw."

16 Es Nas mus kho tau chaw, nws los coj nws tus ntxhais mus pw. Nws quaj quaj rau nws tus ntxhais tas, nws so kua muag thiab nws hais tias :

"Kuv me ntxhais, koj tso siab mog ! Tswv Ntuj yuav hloov koj txoj kev tu siab los ua kev zoo siab mog !"

Ces leej niam tawm rov los.

Lawv npaj ib lub qhov ntxa rau Tos Npias. 8 : 1 - 21.

8 1 Thaum noj hmo tas, sawv daws

hais txog yuav mus pw. Lawv coj Tos Npias mus txog ntawm kem tsev pw.

2 Tos Npias nco dheev txog qhov Las Fais qhia nws. Nws muab nws lub hnab, nws thou lub plawy thiab thooj siab ntses los. Nws muab hlawv rau saum cov txab txiv yoov. 3 Tus dab phenh hnia tsis tau cov pa ntses kub hnyiab ntawd, nws thiaj khiav ya ntxiag mus txog Hais Nkws Tos teb. Tab sis Las Fais caum tau nws thiab muab nws khi pav tes taw tam sid.

4 Ob tug niam txiv laus tawm hauv Tos Npias thiab Xas Las nkawd kem tsev mus, nkawd kaw qhov rooj rau. Ces Tos Npias sawv tsees saum txaj los, nws hais rau Xas Las tias :

"Leej muad, wb sawv ! Wb yuav tsum teev Ntuj tso, wb yuav thov kom HUAB TAIS pub nws lub txiaj ntsim pab wb thiab kom nws pov hwm wb."

5 Ces Xas Las sawv thiab nkawd ob leeg teev Ntuj thov kom Ntuj pov hwm nkawd. Tos Npias thiaj pib hais tias : "Tswv Ntuj uas xaiv peb lub keeb, koj lub npe ntoo moo zoo mus txheej dhau txheej ! 6 Yog koj hais tias : 'Yuav tsis txhob cia txiv neej nws nyob nws ib leeg, peb yuav tsim ib tug los pab nws kom zoo li nws.' 7 Nyem no kuv yuav kuv tus muam no, tsis yog kuv yuav los ua si. Kuv yuav vim kuv hlub nws tiag. Thov koj hlub wb. Thiab thov koj pub wb ua wb lub neej laus nkoos mas !'

8 Nkawd ob leeg ua ke teb tias :

"Ua li !"

9 Ces nkawd mus pw. Thaum ntawd, Las Nkus Es sawv los, nws hu nws cov tub txib kom nrog nws mus khawb qhov ntxa. 10 Vim nws xav tias :

"Kheev Tos Npias lam tsis txhob tuag xwb ! Yog nws tuag mas peb yuav poob ntsej muag loj kawg !"

11 Thaum lawv khawb tau lub qhov ntxa

lawm, Las Nkus Es los hauv tsev, nws hu nws tus poj niam tias :

12 "Koj tso ib tug ntxhais txib mus xyuas saib Tos Npias puas tseem ciaj. Yog nws tuag lawm mas peb yuav muab nws faus twj ywm tsis pub leej twg paub li."

13 Es Nas hu tus ntxhais txib los. Nws taws lub teeb thiab qhib rooj paim twj ywm rau tus ntxhais txib kom chaws mus xyuas kem tsev ob tug hluas pw. Tus ntxhais txib pom nkawd ob leeg tsaug tsaug zog ua qaj qaug nyos. 14 Nws tawm twj ywm rov los, nws hais tias :

"Tos Npias tsis tau tuag, tsis muaj dab tsi txaus txhawj."

15 Ces Las Nkus Es cav txog Tswv Ntuj tia :

"Tswv Ntuj, kuv cav txog koj ! Sawv daws yuav cav lus zoo txog koj mus txog txhiab niag tim puas xyoo !

17 Kuv cav txog koj vim koj tau hlub kuv tus tub thiab tus ntxhais twm zeej no. Tswv Ntuj thov koj pub koj lub txiaj ntsim rau nkawd thiab koj pov hwm nkawd, koj pub nkawd ua nkawd lub neej nyob hauv t xo j kev kaj lug thiab nyob hauv koj lub txiaj ntsim ! 17 Ces Las Nkus Es kom cov tub txib mus muab lub qhov ntxa txhub cheem tseem tsis tau kaj ntug. 19 Nws kom nws poj niam ci mov mog ib qhov txos loj loj, hos nws mus xyuas cov tsiaj thiab nws ntes ob tug nyuj thiab plaub tug yaj coj los tua. Nws coj mus rau tom tsev ua zaub kom lawv npaj noj. 20 Las Nkus Es hu Tos Npias los, nws hais rau Tos Npias tias :

"Koj yuav nyob kaum plaub hnub ntawm no, peb tsis pub koj txav taw li. Koj yuav nyob noj mov haus cawv tso. Yog koj nyob mas kuv tus ntxhais yuav zoo siab, vim los txog tav no nws tsuas kawg muaj kev tu siab xwb.

21 Thaum noj nqaij haus cawv tas koj

mam rov mus tsev, koj yuav thauj kuv lub cuab tam ib nrab mus. Thaum wb ob tug laus nyob puv ib puas nees nkaum xyoo lawm, mas neb mam tuaj txais kom tas mus. Me tub ! Koj tso siab mog ! Kuv yog koj txiv lawm thiab. Es Nas kuj yog koj niam. Txij no mus, wb yog koj niam koj txiv ib yam li wb yog koj tus muam niam thiab txiv. Ua li mas me tub, koj tso siab mog !"

Tos Npias thiab Xas Las nkawd rooj tshoob. 9 : 1 - 6 + 10 : 1- 13.

9 1 Ces Tos Npias hais rau Las Fais tias :

2 "Tij laug As Ntxas Lias, koj coj plaub tug tub txib thiab koj thauj ob tug ntxhuav, koj mus kom txog Las Nkes.

3 Koj mus hauv Nkas Npas Es tsev, koj cev daim ntawv no rau nws, ces koj yuav tu cov nyiaj thiab koj caw Nkas Npas Es nrog koj tuaj haus kuv cawv."

Nkas Npas Es suav cov hnab nyiaj rau Las Fais, cov thwj uas thaum ub lawv ntaus rau cov hnab nyiaj tseem tshiab li qub. Ces nkawd muab nog rau ob tug ntxhuav thauj. 6 Nkas Npas Es nrog lawv sawv ntxov ntxov rov qab los mus ua tshoob. Thaum lawv rov los txog Las Nkus Es tsev Tos Npias tseem tab tom noj hmo.

Tos Npias sawv tsees tuaj hu Nkas Npas Es, ces Nkas Npas Es quaj, nws foom lus zoo rau Tos Npias tias :

"Ib tug tub zoo li koj muaj ib tug txiv siab ntshiab siab ncaj thiab siab zoo li koj txiv !

Thov kom HUAB TAIS foom hmoov zoo rau koj thiab rau koj tus poj niam thiab rau nws niam nws txiv !

Kuv ua Ntuj tsaug, vim Tswv Ntuj tau pub kuv pom kuv tus tij laug Tos Npis lub

ntsej muag nyob hauv koj !"

10 1 Tab sis ntawm Tos Npis mas nws niaj hnub suav hnub suav hmo ntsoov ib hnub dhau ib hnub. Nws suav npaum li cas hnub mus thiab npaum li cas hnub yuav rov los txog. Nws suav twb dhau lawm, pheej tsis pom tus tub rov los tshwm li.

2 Ces nws xav tau tias :

"Ntshai tsam nws khuam ntev nyob tod xwb ! Thiab ntshai tsam Nkas Npas Es lam tuag lawm mas ! Los tej zaum yog vim tsis muaj neeg nyob hauv tsev yuav muab nyiaj rau nws !"

3 Ces Tos Npis pib txhawj. 4 Nws poj niam As Nas nroo nroo tias :

"Kuv tus me tub tuag lawm xwb ! Nws yeej tsis muaj sia nyob lawm !"

Ces As Nas quaj quaj txog nws tus tub. 7 Thaum Tos Npias ua tshoob kaum plaub hnub tas lawm, raws li Las Nkus Es tau hais, Tos Npias los hais rau Las Nkus Es tias :

"Thov koj tso kuv rov mus tsev. Ntshai kuv niam thiab kuv txiv nkawd yuav xav tias nkawd yuav tsis tau rov pom kuv ntixiv lawm. Txiv, ua li mas kuv thov koj cia kuv rov mus tsev. Kuv twb qhia koj tas tias kuv tuaj lawm kuv cia kuv txiv zoo li cas rau hauv tsev."

8 Las Nkus Es hais rau Tos Npias tias : "Me tub, koj nrog kuv nyob ib ntus ntixiv tso mas ! Kuv mam tso neeg mus fi xov rau koj txiv Tos Npis paub."

9 Tos Npias hais tias :

"Kuv tsis xav nyob lawm, kuv thov koj cia kuv rov mus xyuas tsev tso !"

10 Ces tam sim ntawd Las Nkus Es muab Tos Npias poj niam Xas Las rau Tos Npias thiab nws faib nws lub cuab tam ib nrab rau Tos Npias, faib tub txib tub txuas, faib nyuj faib yaj, faib ntxhuav

faib luij, thiab phij cuam tsoos tsho, nyiaj txiag, twj taig rau Tos Npias nkawd.

11 Ces nws tso nkawd mus, nkawd zoo siab. 13 Tos Npias tau rov mus tsev nws zoo siab kawg. Nws cav txog tus HUAB TAIS kav lub ntuj lub teb, tus Vaj kav tas lub sim ceeb. Nws ua Ntuj tsaug vim nws muaj txoj hmoov zoo nyob ntawm kev. Nws foom lus zoo rau Las Nkus Es thiab nws niam Es Nas nkawd tias : "Niaj hnub tas kuv sim neej, kuv xav kom kuv tau tsob hwb neb lub npe, mas kuv yuav zoo siab."

Tos Npis rov pom kev tuaj.

11 : 1 - 18.

11 1 lawv rov los txog ntawm Kas Xes Lis uas ze Nis Nis Vas lawm.

2 Las Fais hais rau Tos Npias tias :

"Koj paub tias wb cia koj txiv nyob zoo li cas rau hauv tsev. 3 Nyem no wb mus ua koj tus poj niam ntej, wb xub mus tu vaj tu tsev tos nws."

4 Ces nkawd mus ua ntej. Las Fais kom Tos Npias nqa lub tsib ntses thiab. Tus dev lawv nkawd qab.

5 As Nas zaum ntawm qhov rooj ntsia ntsoov txoj xub ke uas nws tus tub yuav rov los. 6 Nws ntsia pom deb zoo li yog nws tus tub, nws hais rau nws tus txiv tias :

"Koj tus tub nrog tus ua nws luag los txog lawm !"

7 Thaum Tos Npias nkawd los tsis tau txog ntawm nws txiv tsev, Las Fais hais rau Tos Npias tias :

"Kuv hais rau koj tias koj txiv yuav rov pom kev tuaj. 8 Koj yuav muab lub tsib ntses no los pleev nws qhov muag. Cia cov tshuaj tom me ntsis ces yuav muaj tej daim tawv dawb dawb me me nti ntawm nws lub qhov muag los. Ces koj txiv

yuav rov qab pom kev tuaj."

9 Tos Npias niam khaiv khaiv tuaj puag lias nws tus tub caj dab, nws hais tias : "Nyem no, kuv tuag kuj tau, kuv rov tau pom koj lawm !"

Ces nws niam quaj ! 10 Tos Npis sawv hauv tsev tawm tuaj, nws dawm ub dawm no, tab sis nws kuj xuas hla tuaj dhau lub qhov rooj loog thiab.

11 Tos Npias nqa lub tsib ntsees ntawm tes. Nws tshuab pa rau nws txiv qhov muag thiab nws tuav nws txiv tes, nws hais tias :

"Txiv, koj txhob ntshai !"

Ces nws muab lub tsib ntsees pleev nws txiv qhov muag, nws tos ib me ntsis,

12 ces nws xuas nws ob txhais tes mus nti daim tawv ntawm nws txiv lub kaum muag los. 13 Nws txiv puag lias nws tus tub caj dab thiab nws txiv quaj. 14 Nws txiv hais tias :

"Me tub, kuv pom koj lawm ! Koj yog kuv qhov pom kev !"

Tos Npis tseem hais ntxiv tias :

"Tswv Ntuj lub npe nto moo zoo ! Nws lub npe loj tas nrho ! 15 Vim nws tau pub kuv txom nyem, thiab nws tau hlub kuv. Nyiam no, kuv tau pom kuv tus tub Tos Npias tiag !"

Tos Npias chaws mus hauv tsev, nws tsa sub hlo nrov nrov cav txog Tswv Ntuj. Thiab nws tham qhia nws txiv tias nws tau mus kev zoo thiab nws nqa tau cov nyiaj los lawm. Nws twb yuav tau poj niam lawm thiab, nws yuav Las Nkus Es tus ntxhais hu ua Xas Las. Xas Las lawv nws qab los txog tsis deb cov rooj loog Nis Nis Vas lawm.

16 Ces Tos Npis sawv tsees mus tos nws tus nyab nyob ntawm cov rooj loog Nis Nis Vas. Nws mus, nws cav txog Tswv Ntuj vim nws zoo siab. Thaum cov neeg nyob Nis Nis Vas pom tsis muaj neeg cab

nws tes mus kev thiab pom nws rov muaj zog zoo li thaum ub, mas lawv poob siab.

17 Tos Npis mus tos tau Xas Las, nws foom lus zoo rau Xas Las tias :

"Me ntxhais, kuv zoo siab txais koj tas nrho ! Kuv ua Ntuj tsaug, vim nws tau pub koj los nrog peb nyob ! Thov kom koj txiv tau txoj hmoov zoo thiab kom kuv tus tub Tos Npias thiab koj, neb tau txoj hmoov zoo mog ! Me ntxhais, koj los nyob hauv koj tsev, thov kom koj tau zoo mus li mog !"

Hnub ntawd, tas cov neeg nyob Nis Nis Vas zoo siab. 18 Tos Npis ob tug kwv tij As His Kas thiab Nas Das kuj tuaj nrog nws zoo siab.

Las Fais.

12 : 1 - 21 + 14 : 1 - 2 + 11 - 12.

12 1 Thaum lawv los ua tshoob hauv tsev tas, Tos Npis hu nws tus tub los, hais rau nws tias :

"Me tub, koj yuav nco ntsoov them nqi rau tus ua koj luag. Koj yuav muab tshaj tus nqi uas peb tau hais tseg."

2 Tos Npias nug tias :

"Txiv, kuv yuav muab npaum li cas them nws tus nqe zog ? Tab yog kuv muab tas tej wb mus nqa los ib nrab rau nws los kuv tsis poob dab tsi. 3 Nws coj kuv rov los zoo zoo tsis tau raug dab tsi, nws tau tu kuv poj niam, nws nrog kuv mus nqa tau cov nyiaj los thiab nws tseem kho koj qhov muag zoo lawm !

Ua li mas yuav muab dab tsi ntxiv rau nws thiab ?"

4 Tos Npis hais rau nws tus tub tias :

"Nws tau ua tej Yam kom txaus faib cov neb nqa los ib nrab rau nws."

5 Tos Npias hu tus ua nws luag los, Tos Npias hais rau nws tias :

"Koj yuav ib nrab tej Yam uas wb tau

thauj los, koj ua siab kaj lug rov mus mog !"

6 Ces Las Fais coj nkawd mus ntawm ib qho chaw xu kev me ntsis, nws hais rau nkawd tias :

"Nej yuav ua Tswv Ntuj tsaug, nej yuav cav txog nws rau tsoom neeg ciaj mloog tias nws tau ua zoo rau nej. Nej yuav hu nkauj cav txog nws lub npe. 12 Nyem no, nej yuav paub tias, thaum koj thiab Xas Las neb tab tom teev Ntuj, mas yog kuv cev thiab kuv nyeem neb zaj thov nyob ntawm Tswv Ntuj xub ntiag. Thaum koj mus faus cov neeg tuag los kuj yog kuv cev koj cov yeeb koob rau Tswv Ntuj.

13 Thaum koj tsis ua xyem xyav, koj cia li tso diav plhuav sawv tsees mus faus ib tug neeg tuag, los kuj yog Ntuj xa kuv tuaj sim koj siab. 14 Thiab yog Tswv Ntuj xa kuv tuaj kho koj kom zoo hlo thiab kho koj tus nyab Xas Las. 15 Kuv yog Las Fais, yog ib tug hauv xya leej Tshiab uas nyob ntawm Tswv Ntuj lub hwj chim mus li."

16 Ces nkawd ob txiv tub ntshai kawg, nkawd khoov pe tus Tshiab.

17 Tab sis Las Fais hais rau nkawd tias : "Neb tsis txhab ntshai, neb nyob kaj lug ! Neb yuav cav txog Tswv Ntuj tas neb sid."

21 Thaum nkawd tsa muag ntsia nkawd tsis pom Las Fais lawm. Nkawd hu nkauj cav txog Tswv Ntuj. Nkawd ua Ntuj tsaug rau tej yam loj tas nrho ntawd. Ib tug Tshiab tau yees tawm tuaj rau nkawd pom lawm.

14 1 Tos Npis muaj ib puas kaum ob xyoos, nws thiaj li tuag nyob hauv txoj kev kaj siab lug. Lawv ua ib lub ntees tuag loj rau nws thiab muab nws los nyob Nis Nis Vas.

2 Thaum lub caij nws dig muag nws muaj rau caum ob xyoos. Txij thaum nws rov pom kev tuaj nws ua neej nplua nuj, tab sis nws pub rau cov neeg pluag, thiab nws nco ntsoov txog Tswv Ntuj, nws cav txog Tswv Ntuj lub hwj chim loj.

11 Lawv tso nws pw saum txaj, ces nws tuag. Lawv pam nws zoo thiab faus nws.

12 Thaum Tos Npias niam tuag, nws muab nws niam faus ze nws txiv.